

**ADDENDA AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE BUEU PARA A EXECUCIÓN DA ACTUACIÓN DENOMINADA “REFORMA E AMPLIACIÓN DA BIBLIOTECA MUNICIPAL TORRENTE BALLESTER DE BUEU”, NO MARCO DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA)**

DOCUMENTO ASINADO ELECTRONICAMENTE POR:

**ADDENDA AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE BUEU PARA A EXECUCIÓN DA ACTUACIÓN DENOMINADA “REFORMA E AMPLIACIÓN DA BIBLIOTECA MUNICIPAL TORRENTE BALLESTER DE BUEU”, NO MARCO DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA)**

En Pontevedra, na data da sinatura electrónica

### **INTERVEÑEN**

Dunha parte, D.<sup>a</sup> María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como presidenta deste organismo e en función das atribucións que lle confiren o artigo 34 da Lei 7/1985, do 2 de abril, reguladora das bases do réxime local (LRBRL), e o artigo 105 da Lei 5/1997, do 22 de xullo, de administración local de Galicia (LALGA).

Doutra parte, D. Félix Juncal Novas, quen actúa no nome e na representación do Concello de Bueu, en virtude da súa condición de alcalde-presidente da citada Corporación, segundo o disposto no artigo 21 da LRBRL, no artigo 61.1 da LALGA e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Actúa D. Carlos Cuadrado Romay, en calidade de secretario xeral da Deputación Provincial de Pontevedra, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización desta addenda ao convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

### **EXPOÑEN**

I. Na data 17/12/2021 o Pleno da Corporación Provincial, adoptou o acordo núm. 4.7719 polo que se aprobou a concesión dunha subvención, polo procedemento de concorrència competitiva, ao Concello de Bueu, con destino á execución da actuación denominada “REFORMA E AMPLIACIÓN DA BIBLIOTECA MUNICIPAL TORRENTE BALLESTER DE BUEU”, ao abeiro do Programa provincial de infraestruturas e dotacións singulares para a recuperación post-Covid-19. Programa ReacPon (Reacciona Pontevedra Provincia).

II. O orzamento do investimento ascendía a 916.559,80€ e a subvención concedida a 687.419,85€, completándose o financiamento mediante unha achega municipal por importe de 229.139,95€.



III. De acordo co previsto na base reguladora 7ª.2.h) do Programa, mediante a resolución presidencial núm. 2022001086 de 14/02/2022 aprobouse o correspondente convenio de colaboración, que se asinou o día 17/02/2022. O dito convenio ten por obxecto definir as actuacións obxecto de subvención e concretar de xeito pormenorizado as obrigas das partes.

IV. A cláusula Segunda do referido convenio, relativa ao “FINANCIAMENTO”, establece o seguinte: “*O custo total da actuación ascende a novecentos dezaseis mil cincocentos cincuenta e nove euros con oitenta céntimos (916.559,80€).*”

*Deste importe, a Deputación financiará unha contía máxima de seiscentos oitenta e sete mil catrocentos dezanove euros con oitenta e cinco céntimos (687.419,85€), que supón unha porcentaxe total sobre o orzamento do 75%, que se imputarán contra a aplicación orzamentaria 2022/942.9420.762.75.2021 do vixente orzamento provincial.*

*Pola súa banda, o Concello achegará a cantidade restante ata completar o orzamento, o que supón unha contía de douscentos vinte e nove mil cento trinta e nove euros con noventa e cinco céntimos (229.139,95€) e unha porcentaxe de cofinanciamento do 25%, que será financiada con cargo á anualidade 2022 do Plan de Obras e Servizos (Plan Concellos) 2022-2023 da Deputación.”*

V. Por acordo núm. 8.31497 da Xunta de Goberno do 25/03/2022 concedeuse unha subvención ao Concello por importe de 229.139,95€, con cargo á anualidade 2022 do Plan Concellos 2022-2023, para financiar a totalidade da achega municipal do citado investimento.

VI. Na data 29/07/2022 o Concello adxudica a realización do investimento á entidade mercantil Obras Gallaecia, SL, por importe de 915.565,65€ (IVE incluído), resultando unha baixa de adxudicación de 994,15€ (0,11%), formalizándose o contrato administrativo o 19/08/2022.

VII. Na data 30/11/2022 o Concello presenta no Rexistro da Deputación (núm. rexistro WEB2022060881) o certificado do acordo adoptado polo Pleno Municipal de data 24/11/2022 de aprobación da resolución por mutuo acordo do citado contrato da obra.

VIII. O 12/12/2022 o Concello presenta no Rexistro da Deputación (núm. rexistro WEB2022062636) o proxecto reformulado, unha certificación do acordo de aprobación do dito proxecto, e o compromiso de financiamento do incremento do orzamento. O orzamento do novo proxecto ascende a 1.108.321,90€, o que supón un incremento de 191.762,10€ (20,92% sobre o orzamento inicial).

IX. A cláusula Quinta do convenio, relativa á súa modificación, establece que “*O Concello deberá remitir á Deputación a solicitude xustificada de modificación do convenio de forma inmediata á aparición das circunstancias que a motiven e con antelación suficiente á finalización do prazo de execución concedido.*”

*A Deputación analizará a viabilidade da modificación e autorizará, no seu caso, a sinatura da addenda, previa instrución do correspondente expediente. O Concello deberá remitir a documentación técnica e administrativa que a Deputación lle requira para a tramitación da modificación. Unha vez autorizada e aprobada a modificación por ambas partes, firmarse a correspondente addenda.*



*A modificación non poderá afectar en ningún caso ao importe máximo da achega da Deputación”.*

X. O artigo 16 da Ordenanza Xeral de Subvencións da Deputación de Pontevedra sinala que, salvo que na resolución da concesión se estableza o contrario, a persoa ou entidade beneficiaria da subvención poderá solicitar do órgano que as concede a modificación da resolución de concesión, non debendo variarse o destino ou finalidade da subvención ou axuda pública. A solicitude de modificación deberá estar suficientemente xustificada, presentándose de forma inmediata á aparición das circunstancias que a motiven e con antelación á finalización do prazo de execución inicialmente concedido, salvo que para as modificacións se fixen outros prazos. En concorrencia competitiva a modificación só será posible no caso de que non altere a puntuación obtida por aplicación dos criterios de concesión. O acto polo que se acorde a modificación da resolución de concesión da subvención será adoptada polo órgano que a concedeu, previa instrución do correspondente expediente no que, xunto á proposta razoada do órgano instrutor, se acheguen os informes pertinentes e, segundo o caso, a solicitude ou as alegacións da persoa beneficiaria, sen que poida significar dano aos dereitos de terceiros.

XI. Na data 21/12/2022 o Pleno da Corporación Provincial, mediante o acordo núm. 8.7908, aprobou o citado proxecto reformulado, tendo en conta as novas obrigas económicas en relación ao orzamento da actuación, o importe da subvención e o importe a cofinanciar.

XII. Por outra banda, o Pleno provincial na súa sesión ordinaria de data 27/01/2023, adoptou o acordo núm. 7.7926 polo que se prorroga ata o 31/12/2023 o prazo de execución dos investimentos acollidos no Programa ReacPon e ata o 31/05/2024 o prazo de xustificación dos mesmos.

XIII. Posteriormente, por acordo núm. 7.32265 da Xunta de Goberno do 17/02/2023 concedeuse unha subvención ao Concello por importe de 191.762,10€, con cargo á anualidade 2023 do Plan Concellos 2022-2023, para financiar o incremento da achega municipal, resultante do reformulado do proxecto.

XIV. Por todo o anteriormente exposto, as partes manifestan expresamente o seu desexo de asinar unha addenda para adaptar o texto do Convenio asinado o 17/02/2022 ás novas condicións establecidas nos anteditos acordos, con arranxo ás seguintes

## **CLÁUSULAS**

### **PRIMEIRA. FINANCIAMENTO**

As partes acordan modificar a cláusula Segunda do Convenio, relativa ao financiamento da actuación denominada “REFORMA E AMPLIACIÓN DA BIBLIOTECA MUNICIPAL TORRENTE BALLESTER DE BUEU” no marco do Programa ReacPon, polo incremento do orzamento, derivado do reformulado do proxecto, e do importe da achega municipal prevista no convenio, quedando redactada do seguinte xeito:

*“O custo total da actuación ascende a un millón cento oito mil trescentos vinte e un euros con noventa céntimos (1.108.321,90€).*



*Deste importe, ao abeiro do Programa ReacPon, a Deputación financiará unha contía máxima de seiscientos oitenta e sete mil catrocentos dezanove euros con oitenta e cinco céntimos (687.419,85€), que supón unha porcentaxe total sobre o orzamento do 62,02%, que se imputarán contra a aplicación orzamentaria 2023/942.9420.762.75.2021 do vixente orzamento provincial.*

*Pola súa banda, o Concello achegará a cantidade restante ata completar o orzamento, o que supón unha contía de catrocentos vinte mil novecentos dous euros con cinco céntimos (420.902,05€) e unha porcentaxe de cofinanciamento do 37,98%, dos que douscentos vinte e nove mil cento trinta e nove euros con noventa e cinco céntimos (229.139,95€) serán financiados coa subvención concedida pola Deputación con cargo a anualidade 2022 do Plan de Obras e Servizos (Plan Concellos) 2022-2023 e cento noventa e un mil setecentos sesenta e dous euros con dez céntimos (191.762,10€) coa subvención concedida pola Deputación con cargo a anualidade 2023 do Plan Concellos 2022-2023”*

O novo financiamento da actuación recóllese na seguinte táboa:

<b>Orzamento (proxecto reformulado)</b>	<b>1.108.321,90 €</b>
Subvención (Programa REACPON)	687.419,85 €
Plan Concellos 2022-2023 (anualidade 2022)	229.139,95 €
Plan Concellos 2022-2023 (anualidade 2023)	191.762,10 €

## SEGUNDA. VIXENCIA

As partes acordan modificar a cláusula Décima primeira do Convenio, relativa á vixencia, e quedando redactada do seguinte xeito:

*“O presente convenio producirá os seus efectos desde a data da súa sinatura ata a total execución das actuacións a que o mesmo se refire e a súa xustificación. En todo caso as actuacións deberán estar executadas na súa totalidade a 31 de decembro de 2023. Así mesmo, deberán xustificarse no prazo de cinco meses desde a súa finalización, sen exceder en todo caso o 31 de maio de 2024.”*

## TERCEIRA. RÉXIME XURÍDICO

En todo o demais permanecerá invariable o contido do Convenio asinado o 17/02/2022, suxeitándose as partes ás súas cláusulas.

E, como proba de conformidade, as partes que interveñen asinan a presente addenda na data da sinatura electrónica.

A presidenta da Deputación Provincial de Pontevedra, D.<sup>a</sup> María del Carmen Silva Rego

O alcalde-presidente do Concello de Bueu, D. Félix Juncal Novas

O secretario xeral da Deputación Provincial de Pontevedra, D. Carlos Cuadrado Romay

